

# 辩证奇闻

清

陈士铎

郑炳琳等

校点

山西科学技术出版社

(晋)新登记5号

**辩证奇闻**

清·陈士铎 著

郑炳纯 等校点

·

山西科学技术出版社出版 (太原并州北路十一号)

山西省新华书店发行 太原千峰科技印刷厂印刷

·

开本: 850×1168 1/32 印张: 18.375字数: 440千字

1993年8月第1版 1993年8月太原第1次印

印数: 1—6000册

·

ISBN 7-5377-0827-4

R·332 定价: 12.00元

## 内 容 提 要

《辨证奇闻》又名《辨证录》，是清初陈士铎力作之一、陈氏之专心著述医书，实得傅青主、傅眉父子传授，终成为一名既有理论基础，又富临床经验的良医。

全书十四卷，包涵各科疾病一百二十九门，列症七百七十三条。每条先详述证候，确定病名或病因，辨论疑似不同之点，上立主方，详列药味及分量、服法、剂数、预后，继述本方药味特长，佐使监制之义，以及何以能愈此病之理由。主方之外，大部分病例还附载经验效方一则。本书以辨证详明为其最大特点，着重分析病理生理机制，多言人之所未言、所不能言者，在诊断鉴别上，有许多创获。其论各方之性能效用，又无异于几百首“方论”，最能启发学者心智。书末附《脉诀阐微》（一卷），简明实用，为脉学诸作中，难得之佳构。

今据本书第一次刻本（康熙间楼庆昌跋、磬宣堂板）《辨证录》，参校钱松刻本《辨证奇闻》，标点付印。

## 自序

丁卯秋，余客燕市，黄菊初开，怀人自远。忽闻剥啄声，启扉逐之，见二老者衣冠伟甚，余奇之，载拜问曰：“先生何方来，得毋有奇闻海怪乎？”二老者曰：“闻君好医，特来辨难耳。”余谢不敏。二老者曰：“君擅著作才，何不著书？君自雄顾，沾沾时艺，窃耻之。”乃尚论《灵》《素》诸书，辨脉辨证，多非世间语，余益奇之，数共晨夕，遂尽闻绪论。阅五月别去，训诂曰：“今而后君可出而著书矣。”诂退而记忆，合以所试方，日书数则，久乃成帙。夫医道之难也，不辨脉，罔识脉之微，不辨证，罔识证之变。今世人习诊者，亦甚多矣，言人人殊，究不得其指归，似宜辨脉不必辨证也。虽然，辨脉难知，不若辨证易知也。古虽有“从脉不从证”之文，毕竟从脉者少，从证者众。且证亦不易辨也，今人所共知者，必不辨也，古人所已言者，不必辨也，必取今人之所不敢言，与古人之所未及言者，而畅辨之，论其证之所必有，非诡其理之所或无，乍闻之而奇，徐思之而实未奇也。客曰：“布帛菽粟，可以活人，安在谈医之必奇乎？”余谢之曰：“布帛菽粟，平淡无奇，而治人之理实奇也。日服之而不知其何以温，日食之而不知其何以饱，致使其理之可彰乎？铎之辨证，犹谈布帛菽粟之理耳。”客又笑曰：“君辨理奇矣，已足显著作之才，奚必托仙以炫奇耶？”铎尼山之弟子也，敢轻言著作乎？闻二先生教，亦述之而已矣，何必讳其非仙哉。仙不必讳，而必谓是书非述也，得毋欺世以炫奇乎？书非炫奇，而仍以“奇闻”名者，以铎闻二先生之教，不过五阅月耳，数十万言，尽记忆无忘，述之成帙，是则可奇者乎，岂矜世以炫奇哉？山阴陈士铎教之甫，别号远公，又号朱华子，题于大雅堂。

## 凡 例

一、是编皆岐伯天师、仲景张使君所口授，铎敬述广推以传世，实遵师海，非敢自矜出奇。

一、辨证不辨脉者，以证之易识也。苟能知证，何必辨脉哉。虽然辨证更能辨脉，则治病益精，又在人善用之耳。

一、辨论证候，均出新裁，阐扬《灵》《素》所未备，于二经不无小补云。

一、编中不讲经络穴道，以经络穴道之义，已显载于《灵》《素》二经，人可读经自考也。

一、各门辨证，专讲五行生克之理，生中有克，克中有生，经权常变，颠倒纷纭，贵人善读之耳。

一、铎壮游五岳，每逢异人，传刀圭之书颇富，凡可引证，附载于各辨证条后，以备同人采择。

一、祖父素好方书，遗有家传秘本，凡关合各证者，尽行采入，以成异书。

一、吾越多隐君子，颇喜谈医，如蒋子羽、姚复庵、倪涵初、金子如、蔡焕然、朱瑞林诸先生，暨内父张公雁仍，与同辈余子道元、叶子正叔、林子巨源、钱子升璣、丁子威如、家太士：或闻其余论，或接其片言，均采入靡遗。

一、兹编不讲针灸，非轻之也，盖九针治病之法，已畅论于《灵》《素》书中，不必再为发明耳。

一、人病最多，集中所论，恐不足概世人之病。然生克之理既明，常变之法可悟，此编旁通治法，正有餘也。

一、二师所传诸方，与鄙人所采诸法，分两有太过过重之

处，虽因病立方，各合机宜，然而气禀有厚薄之分，生产有南北之异，宜临症加減，不可拘定方中，疑畏而不敢用也。

一、铎年过六旬，精神衰迈，二师传铎之言，愧难强记，恐至遗忘，辨论之处，或多未备，尤望同人之教铎也。

一、是编方法，亲试者十之五，友朋亲串传诵者十之三，罔不立取奇验。故敢付梓告世，然犹恐药有多寡轻重，方有大小奇偶，又将生平异传诸方，备载于后，便世临床酌用也。

一、岐天师传书甚富，而《外经》一编尤奇。篇中秘奥皆采之《外经》，精莖居多，非元本之学也。铎晚年尚欲笺释《外经》，以求正于大雅君子也。

一、铎勤著述，近年以来，广搜医籍，又成一编，决寿夭之奇，阐生克之秘，有益于人命不浅。惟卷帙浩繁，铎家贫不克夷梨，倘有同心好善之士，肯捐资剞劂，铎顿囊付之不吝也。

大雅堂主人 远公识

# 目 录

|                     |     |                  |     |
|---------------------|-----|------------------|-----|
| 自 序.....            | 1   | 五郁 门 六条.....     | 123 |
| 凡 例.....            | 1   | 咳嗽 门 八条.....     | 127 |
| 卷之一.....            | 1   | 喘 门 四条.....      | 133 |
| 伤寒 门 四十三条.....      | 1   | 怔忡 门 三条.....     | 135 |
| 中寒 门 七条.....        | 28  | 惊悸 门 二条.....     | 137 |
| 卷之二.....            | 35  | 虚烦 门 二条.....     | 139 |
| 中 风 门 二十五条.....     | 35  | 不寐 门 五条.....     | 140 |
| 痹 症 门 十一条.....      | 51  | 健忘 门 四条.....     | 144 |
| 心 痛 门 六条.....       | 59  | 癫痫 门 六条.....     | 147 |
| 胁痛 门 五条.....        | 63  | 狂病 门 六条.....     | 151 |
| 头痛 门 六条.....        | 66  | 呆病 门 三条.....     | 156 |
| 腹痛 门 六条.....        | 70  | 呃逆 门 五条.....     | 159 |
| 腰痛 门 六条.....        | 74  | 卷之五.....         | 163 |
| 卷之三.....            | 79  | 关 格 门 五条.....    | 163 |
| 咽 喉 痛 门 七条.....     | 79  | 中 满 门 四条.....    | 166 |
| 牙 齿 痛 门 七条.....     | 84  | 翻 胃 门 五条.....    | 169 |
| 口 舌 门 二条.....       | 88  | 臌 胀 门 七条.....    | 173 |
| 鼻 渊 门 三条.....       | 89  | 厥 症 门 七条.....    | 180 |
| 耳 痛 门 附 耳 聾 七条..... | 92  | 春 温 门 三十三条.....  | 185 |
| 目 痛 门 十四条.....      | 97  | 卷之六.....         | 207 |
| 血 症 门 二十一条.....     | 106 | 火 热 症 门 十六条..... | 207 |
| 遍 身 骨 痛 门 四条.....   | 120 | 暑 症 门 十一条.....   | 219 |
| 卷之四.....            | 123 | 燥 症 门 十五条.....   | 228 |

|            |      |     |                |     |     |
|------------|------|-----|----------------|-----|-----|
| 痿症门        | 八条   | 238 | 强阳不倒门          | 二条  | 387 |
| 消渴门        | 五条   | 244 | 发斑门            | 二条  | 389 |
| <b>卷之七</b> |      | 249 | 火丹门            | 二条  | 390 |
| 痉门         | 十一条  | 249 | 离魂门            | 三条  | 392 |
| 汗症门        | 五条   | 257 | 疰夏门            | 二条  | 394 |
| 五疸门        | 十条   | 262 | 脚气门            | 一条  | 396 |
| 大泻门        | 九条   | 270 | 中邪门            | 六条  | 397 |
| 痢疾门        | 十三条  | 277 | 中妖门            | 六条  | 401 |
| 癰疽门        | 八条   | 286 | 中毒门            | 十二条 | 406 |
| <b>卷之八</b> |      | 293 | 肠鸣门            | 三条  | 413 |
| 疟疾门        | 十条   | 293 | 自笑门附自哭         | 三条  | 415 |
| 虚损门        | 十三条  | 300 | 恼怒门            | 二条  | 416 |
| 癆瘵门        | 十八条  | 308 | 暗哑门            | 三条  | 418 |
| 梦遗门        | 七条   | 321 | 瘟疫门            | 一条  | 420 |
| 阴阳脱门       | 五条   | 326 | 种嗣门            | 九条  | 421 |
| 淋症门        | 七条   | 330 | <b>卷之十一妇人科</b> |     | 429 |
| <b>卷之九</b> |      | 335 | 带门             | 五条  | 429 |
| 大便闭结门      | 九条   | 335 | 血枯门            | 二条  | 433 |
| 小便不通门      | 六条   | 341 | 血崩门            | 八条  | 435 |
| 内伤门        | 二十三条 | 344 | 调经门            | 十四条 | 440 |
| 疝气门附奔豚     | 八条   | 358 | 受妊门            | 十条  | 448 |
| 阴痿门        | 五条   | 363 | 妊娠恶阻门          | 二条  | 455 |
| 痰症门        | 二十一条 | 367 | <b>卷之十二妇人科</b> |     | 457 |
| <b>卷之十</b> |      | 381 | 安胎门            | 十条  | 457 |
| 鹤膝门        | 二条   | 381 | 小产门            | 五条  | 463 |
| 痹风门        | 二条   | 382 | 鬼胎门            | 一条  | 466 |
| 遗尿门        | 三条   | 384 | 难产门            | 六条  | 467 |
| 脱肛门        | 二条   | 386 | 血晕门            | 三条  | 471 |



|                   |     |                    |     |
|-------------------|-----|--------------------|-----|
| 胞衣不下门 二条……        | 473 | 唇疔门 一条……           | 519 |
| 产后诸病门 十一条…        | 475 | 瘰癧门 二条……           | 519 |
| 下乳门 二条……          | 481 | 痔漏门 四条……           | 521 |
| <b>卷之十三 外科</b> …… | 483 | 顽疮门 二条……           | 524 |
| 背痈门 七条……          | 483 | 接骨门 二条……           | 526 |
| 肺痈门 四条……          | 489 | 金疮门 一条……           | 528 |
| 肝痈门 二条……          | 492 | 物伤门 三条……           | 528 |
| 大肠痈门 三条……         | 494 | 颧门 一条……            | 530 |
| 小肠痈门 二条……         | 496 | 荆杖门 一条……           | 531 |
| 无名肿毒门 二条……        | 498 | <b>卷之十四 小儿科</b> …… | 533 |
| 对口痈门 一条……         | 501 | 惊疳吐泻门 七条……         | 533 |
| 脑疽门 一条……          | 502 | 便虫门 二条……           | 537 |
| 囊痈门 二条……          | 503 | 痘疮门 十五条……          | 539 |
| 臂痈门 一条……          | 505 | 疹症门 三条……           | 546 |
| 乳痈门 四条……          | 505 | 吃泥门 一条……           | 548 |
| 肚痈门 一条……          | 508 | 胎毒门 一条……           | 549 |
| 多骨痈门 一条……         | 509 | <b>鬼真君脉诀序</b> ……   | 550 |
| 恶疽门 一条……          | 510 | <b>脉诀阐微 五篇</b> ……  | 551 |
| 疔疮门 一条……          | 511 | <b>康雍间原刻本辨证录跋</b>  |     |
| 杨梅疮门 四条……         | 511 | ……                 | 571 |
| 腰疽门 一条……          | 515 | <b>道光间钱松刻本序</b> …… | 572 |
| 掌疽门 一条……          | 516 | <b>校订后记</b> ……     | 573 |
| 脚疽门 二条……          | 516 |                    |     |
| 鬓疽门 一条……          | 518 |                    |     |

# 辨证奇闻·卷之一

## 伤 寒 门

一、冬月伤寒，发热头痛，汗出口渴，人以为太阳之症也，谁知太阳已趋入阳明乎！若徒用干葛汤以治阳明，则头痛之症不能除；若徒用麻黄汤以治太阳，则汗出不能止，口渴不能解，势必变症多端，轻变为重。法宜正治阳明，而兼治少阳也。何则？邪入阳明，留于太阳者，不过零星之余邪，治太阳反伤太阳矣。故太阳不必至，宜正治阳明，盖阳明为多气多血之府，邪入其中，正足大怒其凶横，而挟其腑之气血为炎氛烈焰者，往往然也。故必须用大剂凉药，始可祛除其横暴也。

方用：

石膏一两 知母二钱 麦冬二两 竹叶二百片 茯苓三钱  
甘草一钱 人参三钱 柴胡一钱 梔子一钱 水煎服。

一剂而头痛除，二剂而身热退，汗止而口亦不渴矣。此即白虎汤变方，用石膏知母以泻其阳明之火邪，用柴胡梔子以断其少阳之路径，用麦冬以清其肺金之气，使火邪不能上逼，用茯苓引火下趋于膀胱，从小便而出，而太阳余邪尽随之而外泄也，至于人参甘草竹叶，不过取其调和脏腑，所谓攻补兼施也。

或惧前方太重，则清肃汤亦可用也。并载之，以备选用，石膏五钱 知母一钱 麦冬一两 甘草、人参、柴胡、梔子 各一钱 独活、半夏 各五分 水煎服。

一、冬月伤寒，发热，口苦，头痛，饥不欲饮食，腹中时痛，人以为太阳之症也，谁知少阳之病乎！夫伤寒未有不从太阳入者，由太阳而入阳明，由阳明而入少阳者，传经之次第也。何以邪入太

阳，即越阳明而入于少阳耶？人以为隔经之传也，而孰知不然。盖少阳乃胆经也，胆属木，木最恶金；肺属金而主皮毛，风邪之来，肺金先受，肺欺胆木之虚，即移其邪于少阳。故太阳之症，往往多兼少阳同病者。然则此症，乃二经同感，而非传经之症也，治法似亦宜二经同治矣，而又不然，单治少阳，而太阳之病自愈。方用：

柴胡二钱 白芍五钱 甘草一钱 陈皮一钱 黄芩一钱 神曲一钱  
白术三钱 茯苓三钱 水煎服。

一剂而热止，二剂而腹不痛，头不疼，而口亦不苦矣。此方即逍遥散之变方也。盖病在半表半里之间，逍遥散既解散表里之邪，而太阳膀胱之邪何能独留？况方中原有茯苓白术以利腰脐，而通膀胱之气乎。余所以止加神曲黄芩，少解其胃中之火，以和其脾气，而诸症尽除也。

此病用舒经汤亦佳，薄荷二钱 白芍五钱 甘草八分 黄芩二分  
白术二钱 茯苓五钱 桂枝三分 水煎服。

一、冬月伤寒，发热，口渴，谵语，时而发厥，人以为热深而厥亦深也，疑是厥阴之症，谁知为太阴之症乎！夫太阴脾土也，脾与阳明胃经为表里，表热而里亦热，此乃胃邪移入于脾经也，此症最危最急。盖人以脾胃为主，脾胃尽为火邪所烁，而肾水有不立时熬干者乎？治法宜急救脾胃矣，然而救脾则胃火愈炽，救胃则脾土立崩，此中之消息最难，惟当速救肾水之干枯而已。方用：

玄参三两 甘菊花一两 熟地一两 麦冬二两 枳实五钱  
水煎服。

此方名为救枯丹，用玄参以散其脾胃浮游之火，甘菊以消其胃中之邪，麦冬以滋其肺中之液，助熟地以生肾水，庶几滂沱大雨，自天而降，而大地焦枯，立时优渥，何旱魃之作祟乎？又恐过于汪洋，加入枳实以健其土气，而仍是肾经之药，则脾肾相

宜，但得其灌溉之功，而绝无侵袭之患。故一剂而谵语定，再剂而口渴除，三剂而厥亦止，身亦凉也。此症世人未知治法，即仲景张使君亦未尝谈及。天师因士铎之请，特传神奇治法，以为伤寒门中之活命丹也。

此症用清土散亦妙，石膏一两 麦冬一两 生地一两 甘草一钱 金银花五钱 白术三钱 水煎服。

一、冬月伤寒，大汗而热未解，腹又痛不可按，人以为邪发于外未尽，两内结于腹中，乃阳症变阴之症也，余以为不然。夫伤寒而至汗大出，是邪随汗解，宜无邪在其中，何至腹痛？此乃阳气尽亡，阴亦尽泄，腹中无阴以相养，有似于邪之内结而作痛，盖阴阳两亡之急症也。夫痛以可按为虚，不可按为实，何以此症不可按，而又以为虚乎？不知阴阳两亡，腹中正在将绝之候，不按之已有疼痛难忍之时，况又按而伤其胃，安得不重增其苦，所以痛不可按也。如遇此症，急不可缓，方用急救阴阳汤：

人参二两 黄芪三两 当归一两 熟地二两 甘草三钱 白术二两 水煎服。

一剂而腹痛顿止，身热亦解，汗亦尽止矣。此方用参芪以补气，使阳回于阴之内；用当归熟地以补血，使阴摄于阳之中；用白术甘草和其肠胃，而通其腰脐；使阴阳两归于气海关元，则亡者不亡，而绝者不绝也。倘认是阳症变阴，纯用温热之剂，加入肉桂、干姜、附子之类，虽亦能回阳于顷刻，然内无阴气，阳回而阴不能摄，亦旋得而旋失矣。

此症用救亡散，亦易奏功，人参、当归、熟地各一两 甘草二钱 附子一片 水煎服。

一、冬月伤寒，大汗热解，腹微痛，腰不可俯仰，人以为邪在肾经未出，欲用稀苓丸加防己治之，非其治也。此乃发汗亡阳，阳虚而阴不能济之故也。夫阴阳相根，此症因汗泄过多，阳气无几，而阴又自顾不遑，不敢引阳入室，而阳无所归，故行于

腹，孤阳无主而作痛，肾中之阴，又因阳气不归，而孤阴无伴，不敢上行于河车之路，故腰不可以俯仰，方用引阳汤治之：

杜仲一钱 山药五钱 甘草一钱 茯苓二钱 芡实三钱 人参三钱 肉桂三分 白术五钱 水煎服。

一剂而腹痛止，二剂而腰轻，三剂而俯仰自适矣。此方助阳气之旺，而不去助阴气之微；盖阴之所以杜阳者，欺阳气之衰也，予所以助阳而不助阴也。倘用穉莖防己，以重损其阴阳，则终身不为废人者几希矣！

此症济阳汤亦可用，杜仲二钱 山药一两 甘草一钱 人参五钱 白术五钱 破故纸一钱 水煎服。

一、冬月伤寒，大汗，气喘不能息，面如朱红，口不能言，呼水自救，却仅能一口，而不欲多饮，人以为热极，欲用白虎汤以解其阳明之火也，而不知此为戴阳之症，乃上热而下寒也。若用白虎汤，虽多加入参，下喉即亡矣。方用：

八味地黄汤半斤，大锅煎汤，恣其渴饮。

必熟睡半日，醒来汗必不止，气必不喘，面必清白，口必不渴矣。盖此症原不宜汗而汗之，以致大发其汗，汗既大出，而阳邪尽泄，阳气尽散，阴亦随之上升，欲尽从咽喉而外越，以皮毛出汗而阴气奔腾，不得尽随汗泄，故直趋咽喉大路，不可止抑矣。阴即上升，阳又外泄，不能引阴而回于气海，阳亦随阴而上，而阴气遂逼之而不可下，故气喘不能息也。且阳既在上，火亦在上者势也；况阴尽上升，则肾宫寒极，下既无火，而上火不得归源，故泛炎于面，而作红朱之色也。上火不散，口自作渴，呼水自救者，救咽喉之热，而非欲救肠胃之热也。夫实热多成于胃火，而胃热之病，必多号啕狂呼之状，今气虽喘息而宁，口欲言语而不得，非虚热而何？此真所谓上假热而下真寒也。八味地黄汤，补水之中，仍是补火之药，下喉之时，火得水而解，水得火而宁，调和于上下之间，灌注于肺肾之际，实有妙用也。夫发汗

亡阳，本是伤气也，何以治肾而能奏功耶？不知亡阳之症，内无津液，以致内火沸腾，我大补其真阴，则胃得之而息其焰，胃火一息，而肾之关门闭矣，肾之关门闭，而胃之土气自生，胃之土气生，而肺金之气有不因之而得养者乎？肺气一生，自然清肃之令行，母呼子归，同气相招，势必下引肾气而自归于子舍矣。肾气既归，而肾宫之中，又有温和春色以相薰，又得汪洋春水以相育，则火得水而生，水得火而悦，故能奏功之神且速也。

返火汤治此症亦神，熟地三两 山茱萸一两 肉桂三钱 水煎服。

一、冬月伤寒，发厥，而青手冷，两足又热，人以为直中阴寒也，宜用理中汤治之，而不知非其治也。此乃肝气邪郁而不散，风邪在半表半里之间也，若用理中汤治也，必然发狂而死矣。夫直中阴寒之症，未有不从足而先冷者也，今两足既热，其非直中肝经明矣。夫邪既不在肝经，似乎不可径治肝经矣，然而邪虽不在肝经之内，而未尝不在肝经之外也。邪在门外与主人何豫，而忽现发厥面青手冷之症耶？不知震邻之恐，犹有警惕之心，岂贼在大门之外，而主人有不张惶色变者乎？倘用理中汤，是用火攻以杀贼，贼未擒烧而房舍先焚，贼且乘火而突入于中庭，必至杀主人而去矣。治法用小柴胡汤加减，以散其半表半里之邪，而肝气自安，外邪化为乌有。方用：

柴胡二钱 白芍五钱 甘草一钱 当归一钱五分 黄芩一钱 半夏一钱 水煎服。

一剂而手温，再剂而厥止，身热尽除，而面青自白矣。

此症用七贤汤亦甚效，白芍、白术各五钱 甘草一钱 肉桂三分 柴胡一钱 丹皮三钱 天花粉二钱 水煎服。一剂即安。

一、冬月伤寒，身热汗自出，恶寒而不恶热，人以为阳明之症也，欲用石膏汤治之，而不知非也。汗出似阳明，然阳明未有不恶热者，今不恶热而恶寒，此阳气甚虚，邪欲出而不出，内热

已解而内寒未散之症也。此症必因误汗所致，方用补中益气汤，

人参三钱 黄芪三钱 白术二钱 当归二钱 柴胡一钱 升麻四分 陈皮一钱 甘草一钱 加桂枝五分 水煎服。

一剂而汗止身凉，寒亦不恶矣。夫补中益气之汤，非治伤寒之症也，李东垣用以治内伤之病，实有神功，我何所取乎？不知伤寒之中，亦有内伤之病，正不可拘拘于伤寒，而不思治变之方也。况此症因误汗而成者，汗已出矣，邪之存于经络者必浅，即有畏寒，其寒邪亦必不重，是外感而兼内伤也。补中益气汤，补正之中，而仍有祛邪之药，故兼用之而成功也，况又加桂枝散寒之味乎。倘误认作阳明之症，而妄用白虎汤，少投石膏，鲜不变为虚寒之病而死矣！辨症乌可不明哉？

温正汤亦可用。人参五钱 黄芪一两 当归五钱 柴胡一钱 甘草五分 神曲一钱 桂枝三分 水煎服。

一、冬月伤寒，身热五、六日不解，谵语，口渴，小便自利，欲卧，人以为是阳明之余热未解也，而予以为不然。夫谵语虽属胃热，然胃热谵语者，其声必高，拂其意必怒，今但谵语而低声，非胃热也。但既非胃热，何以口中作渴，欲饮水以自救耶？然口渴饮水，水不化痰上涌，反直走膀胱而小便自利，其非胃热又明矣。夫阳明火盛，多致发狂，今安然欲卧，岂是胃热之病？但既不是胃热，何以谵语口渴不解，至五、六日而犹然耶？不知此症乃心虚之故也，心虚则神不守舍而谵语，心虚则火起心包而口渴。夫心与小肠为表里，水入心而心即移水于小肠，故小便自利也。治法用：

茯苓五钱 麦冬一两 丹皮二钱 柴胡一钱 甘草五分 水煎服。

一剂而谵语止，二剂而口渴除，身热亦解。此方名为清热散，用麦冬以补心，用茯苓以分消火热，用柴胡丹皮甘草以和解其邪气。心气足而邪不能侵，邪尽从小肠以泄出，而心中宁静，津

液自生故渴除，而肾气上交于心，而精自长，亦不思卧矣。倘疑为胃热，而用白虎或用青龙之汤，鲜不败矣！

凉解汤亦可用，茯神三钱 麦冬五钱 玄参一两 柴胡一钱  
甘草三分 炒枣仁三钱 水煎服。

一 冬月伤寒至五、六日，往来寒热，胸胁苦满，或呕或吐，或渴或不渴，或烦或不烦，人以为少阳之病也，宜用小柴汤和解之，夫小柴胡汤治少阳邪之圣药，用之似乎无不宜也。以少阳居于表里之间，邪入而并于阴，则寒，邪出而并于阳，则热，故痰结于胸而苦满，欲吐不吐，欲渴不渴，而烦闷生矣，用柴胡汤以和解之，自易奏功，然而止可一用，而不可常用也。盖少阳胆木最喜者水耳，其次则喜风，柴胡风药，得之则解温；然日以风药投之，虽枝叶条达，而终有干燥之虞，必以大雨济之，则郁郁葱葱，其扶疏青翠为何如耶？譬之炎夏久旱，禾苗将至枯槁，必得甘霖露足，庶乎可救。故用柴胡汤之后，必须用补水之剂以济之，方用济生汤：

熟地五钱 玄参五钱 麦冬三钱 山茱萸一钱 山药三钱  
茯苓二钱 白芍三钱 柴胡五分 神曲三分 竹茹一团 水煎服

一剂而烦满除，再剂而寒热止，三剂而前症尽失也。此方多是直补肾水之味，直补其胆木之源，则胆汁不枯，足以御邪而有余，况又加入白芍柴胡，仍散其半表半里之邪，安得不收功之速乎！倘疑伤寒之后，不宜纯用补肾之药，恐胃气有伤，难以消化，不知少阳之症，由太阳阳明二经传来，火爆水涸，不但肝汁为邪所逼，半致熬干，而五脏六腑尽多炙烁，是各经无不喜盼霖雨，非惟少阳胆木一经而喜水也。然则用补水之药，正其所宜，又何至有停隔之虞哉？

此症用和隔散亦神，柴胡一钱 白芍一两 生地五钱 玄参三钱 麦冬二钱 茯苓二钱 竹茹一团 白芥子一钱 水煎服。



一、冬月妇人伤寒，发热至六七日，昼则了了，夜则谵语，如见鬼状，按其腹，则大痛欲死，人以为热入血室也，而不知非止热入血室也。虽亦因经水适来，感寒而血结，成如疟之状，然而未伤寒之前，原有食未化血，包其食而为疟母也，论理小柴胡汤为正治，然而小柴胡汤，止能解热，使热散于血室之中，不能化食，使食消于血块之内。予有一方最神，治热入血室，兼能化食，可同治之也，方名两消丹，用，

柴胡二钱 丹皮二钱 鳖甲三钱 山楂肉一钱 枳壳五分  
炒栀子二钱 甘草一钱 白芍五钱 当归三钱 桃仁十粒 水煎服。

一剂而痛轻，二剂而鬼去、谵语亦止，腹亦安然，杳无寒热之苦矣。盖此方既和其表里，而血室之热自解，妙在用鳖甲进攻于血块之中，以消其宿食，所谓直捣中坚，而疟母何所存立以作祟乎？服吾药实可作无鬼之论也。

此症用清白饮治之亦妙，丹皮三钱 柴胡、前胡各二钱 白芍一两 青蒿三钱 人参、甘草、半夏各一钱 青皮、炒栀子各二钱 茯苓、当归各三钱 水煎服。

一、冬月伤寒，项背强几几，汗出恶风，服桂枝加葛根治之而不愈，人以为太阳阳明合病，舍前方，又将用何药以治之，而不知不可执也。夫太阳之邪，既入阳明，自宜专治阳明，不必又去顾太阳也。况于葛根汤中，仍用桂枝以祛太阳之邪乎，是太阳之邪轻，而阳明之邪重矣。方用竹叶石膏汤，以泻阳明之火，而前症自愈，但不必重用石膏也。余定其方：

石膏三钱 知母八分 半夏一钱 麦冬三钱 竹叶五十片  
甘草一钱 水煎服。

一剂而汗止，再剂而项背强几几之症尽去，而风亦不畏矣。倘必拘执仲景方法，而仍用桂枝加葛根汤，虽病亦能愈，而消烁津液亦多矣。予所以更示方法，使治伤寒者宜思变计，而不可死泥